


ՄԲ. ՅՈՎՀԱՆՆԷՍ ՄԿՐՏԻՉ ՀԱՅՑ. ԵԿԵՂԵՑԻ
ՄԵՍԱԳՈՅՆ ՏԻՔՐՈՅՔԻ



St. John's Armenian Church
OF GREATER DETROIT

REV. DIRAN PAPAŽIAN
REV. PAREN AVEDIKIAN
PASTORS

22001 NORTHWESTERN HIGHWAY



PHONE: 356-1910



SOUTHFIELD, MICHIGAN 48075

29 Սեպտ. 1970

Գերշ. Տ. Թորգոմ Արք. Մանուկեան, Առաջնորդ,
ի նիւ Եորկ,

Սիրելի Սրբազան,

Սոյն նամակով կը փախաքէի տեղեակ պահել ձեզ՝ Եկեղեցւոյս այժմեան իրական կացութեան, ամառնային արձակուրդիս ընթացքին ծուխէս ներս ստեղծուած արուեստական փոքրիկ տագնապին առնչութեամբ՝ ի հետեւանք խուժանավար հոգեբանութեամբ խել մը հոգաբարձուներու անպատասխանատու եւ չարամիտյարարքին՝ որու կապակցութեամբ ստիպուեր էիք հոս շտապել:

(Կամայալ պիտի)

Մեր իրարու հետ ունեցաք հեռաձայնային խօսակցութենէն վերջ, մենք հոս ունեցանք ժողով մը, զոր ես ինքս էի հրաւիրեր՝ մասնակցութեամբ Միսական Խորհուրդին, Թեմական Պատգամաւորներուն, Տիար Ա. Մանուկեանին եւ տեղւոյս Եկեղեցականաց դասուն:

Լսել է վերջ կողմերը, այն է՝ հոգաբարձութեան եւ Հովուին, երեսփոխաններու գօրաւոր թելադրութիւնը այն եղաւ որ՝ պահուի այժմեան գոյավիճակը եւ փոխանակ նոր Հովուի մը մասին մտածելու, քայլեր առնուին եկեղեցին օժտելու համար գործադիր քարտուղարով մը - քննարկութիւններով - եւ կամ ընդհանուր վարիչ գործակատարով մը - ճէնըրըլ էտմինիսթրէյթըր- , որպէս զի Հովիւը ձերբազատուելով գրասենեակի առօրեայ տաղտուկէն՝ կարենայ նուիրուիլ անարգել բուն իսկ իր հոգեւոր գործերուն եւ առաջնորդութիւն տայ այս հսկայածաւալ գաղութին, միանգամայն ժամանակ գտնելով տնայցելութեան: Ապագային, երբ եկեղեցին ի վիճակի ըլլայ, այն ատեն մէկ է աւելի եկեղեցականներ ունենալ անշուշտ թէ փախաքելի պիտի ըլլար, տրուած ըլլալով որ գործին տարողութիւնը միշտ ալ պիտի պահանջէր մէկ է աւելի եկեղեցականներու անհրաժեշտութիւնը այս գաղութէն ներս: Բայց նախ քան այդ հարկ է որ գործը կազմակերպուի, իսկ նոր Հովիւի մը ներկայութիւնը կաջութենէն քան չպիտի փոխեր բնաւ եւ դարման մը չպիտի ըլլար հարթելու համար մեր դժուարութիւնները որոնք առաւելաբար արդիւնքն են վարչական եւ գրեական գործերու լայնածաւալ բազմազանութեան, ինչպէս նաեւ Հովուի եւ Միսական Խորհուրդի փոխ-յարաբերութեանց անկանոնութեան որ կը բղխի առաւելաբար այս վերջիններուն աշխարհիկ մտայնութենէն եւ մտահոգութիւններէն:

Հարկ է աւելցնել նաեւ որ ծխական խորհուրդին մէջ բոլորը նոյնատեսակ չեն մտածեր Հովուի փոփոխութեան հարցին շուրջ, եւ յետոյ նաեւ՝ նման ճակատագրական որոշում մը հոգաբարձութեան չի մնար առնել բոլորովին առանձինն պատասխանատուութեամբ, այլ հարկ էր որ խորհրդակցութիւններ կատարուէին պատգամաւորներուն հետ միասնաբար, եւ անկախաբար ասկէ՝ նաեւ ժողովուրդին բազկերակն ալ քննարկելու է, հասկնալու համար թէ որչափով օգտակար կամ վնասակար կրնայ ըլլալ գաղութին համար նման արմատական փոփոխութիւն մը, իսկ ինչ խօսք որ ենթական ինքն ալ գիտնալու է թէ ինչով կը մեղադրուի եւ թէ արդեօք ըսուածները կը համապատասխանեն իրականութեան, եւ թէ ով դատաւոր պիտի ըլլայ հոգաբարձուներու շահատակութեանց: Առ նուազն անիրաւ եւ անհիմն վերագրումները շրջելու

ՍԲ. ՅՈՎՀԱՆՆԷՍ ՍԿՐՏԻՉ ՀԱՅՑ. ԵԿԵՂԵՑԻ
ՄԵՍԱԳՈՅՆ ՏԻՔՐՈՅԻ

St. John's Armenian Church
OF GREATER DETROIT



REV. DIRAN PAPA ZIAN
REV. PAREN AVEDIKIAN
PASTORS

22001 NORTHWESTERN HIGHWAY



PHONE: 356-1910



SOUTHFIELD, MICHIGAN 48075

== Շարունակութիւն ==

առիթ մը տրուելու է ենթակային, եւ այդ միայն կրնայ ըլլալ ժողովի մէջ իր մասնակցութեամբ եւ ի ներկայութեան անաչառ մարմնի մը՝ գաղութին յարգելի անդամներէն կազմուած: Ի վերջոյ պատմութեան անցած են Միջին Դարու հաւատաքննութեան շրջանները: Ես պատճառներ ունիմ եւ կրնամ հիմնաւորել այն վախճաններն, նման փոփոխութիւն մը կրնայ վրդովել գաղութին անդորրութիւնը, փոխանակ անոր շինութեան նպաստելու: Հոգաբարձուները պէտք է որ որեւէ ատեն քաջալերուին Հովուական փոփոխութեան կամայական առաջարկ ներկայացընելու Առաջնորդին, առանց տեղւոյն վրայ սպառելու ամեն կարելիութիւն՝ փոխադարձ գիշումով՝ եթէ հարկ է, եւ իրար-հասկացողութեամբ, սիրոյ մթնոլորտի մէջ: Եկեղեցին Աստուծոյ տունն է, ձիարձակարան է, եւ այս մարդիկ գիտնալու են որ Աստուծոյ գործը ընելու միայն կանչուած են, եւ ոչ թէ սակարանային հաշիւներ մաքրելու, մէկ կողմէն իրենց ապիկարութիւնը պարտելու եւ միւս կողմէ ալ իրենց անձնական փառասիրութեանց եւ նախասիրութեանց յագուրդ տալու համար:

Այս պայմաններու տակ թուրեմն, ձեր գործը զգալապէս դիւրացած պիտի ըլլայ՝ փոխանակ Հովուի փոփոխութեանց անհարկի դժուարութեանց մատնութեան, խօսք հասկցնելու հոգաբարձութեան որ՝ առ այժմ տրամադրելի մարդ չունիք, եւ թէ՛ տուեալ պայմաններու տակ լաւագոյնը պիտի ըլլայ՝ բոլոր տարակարծութիւնները հարթել եւ թէ՛ տեղւոյն Հովուին հետ համագործակցաբար եւ համերաշխութեամբ եկեղեցւոյ առաւել պայծառութեան համար միջոցներ խորհիլ, ծրագրեր մշակել, ու շինարար նպատակներ հետապնդել: Անհարկի դժուարութիւններ՝ միայն կրնան վնասել գաղութին վարկին, բան մը որմէ խուսափելու ամեն ջանք ի գործ դնելու է, վասն սիրոյն Բրիտանի: Մեր բոլորին ալ ներկայութիւնը եկեղեցւոյ գործին շուրջ՝ պէտք է հետապնդել Աստուծոյ գործին ներդաշնակ կատարումը՝ անձնականութեանց պատուարներէն անդին ցատկելով եւ անանձնական հոգեբանութեամբ կատարելով մեզի ինկած պարտականութիւններն ու պատասխանատուութիւնները: Այս դիտողութիւնը կարեւոր է որ ըլլայ ձեր կողմէ իրենց, որպէս զի հոգաբարձական կազմէն կարգ մը տարրեր որոնք յոյսեր կապած են ձեր կողմէ արտայայտուած կարգ մը խոստումներու, այդպիսիներ թող գիտնան թէ՛ այդ յոյսերը անարդարանալի եւ անիրականաբար են, այլապէս անոնք սպասողական դիրք մը գրաւելով կրնան խոչընդոտ ըլլալ գործերու կանոնաւորութեան, եւ ատկէ միակ տուժող կ'ըլլայ եկեղեցին եւ խեղճ գաղութը: Այս մարդիկ փոքրիկ ատեն մըն ալ հոս են եւ ապա պիտի անհետանան իրենց ժամանակի սպառումովը, բայց եթէ այժմէն չի սանձահարուելն ու չի սրբագրուին այն ատեն ատիկա աղիտաբեր կրնայ ըլլալ:

Հայցելով Աստուծային իմաստութիւն ձեր Առաջնորդական պատասխանատու գործերու տնօրինման մէջ,

Այսու Մնամք
Խոնարհ Աղօթակից՝
Տէր Տիգրան
Տէր Տիգրան Բհնյ. Փափագեան,
Հովիւ